

Powšitkowne WOZJEWJENJA

njedźelu, 9. septembra 2012

Nyšpor z požohnowanjom konjacych zapřahow

Towarstwo Cyrila a Metoda z.t., sekcija wěda a skutk, přeprošuje tež lětsa wěriwych ze wšitkich serbskich wosadow na wosebity nyšpor domchowanki. Tutón budže njedźelu, 30. septembra, w 14 hodź. w Chrósćicach na łuce při Hatkach (za starownju). Na nyšporje požohnuja so konjace zapřahi. Po nyšporje přewjedu so čaporowe wiki. Wunošk wužije so za rjedženje pišćelow Chrósćanskeje cyrkwe.

20 lět Dom biskopa Bena

Smochčanski Dom biskopa Bena woswjeći njedźelu, 9. septembra, swoje 20lětne wobstaće. W 10.30 hodź. budže swójbna Boža mša z emeritowanym biskopom Joachimom Reineltom. Kemšam přizamknu so wšelake poskitki. Swjedženska njedźela zakónči so w 16 hodź. z koncertom Radworskeho chóra Meja.

Nyšpor w Drježdźanach

Serbja w Drježdźanach, jich při wuzni a přećeljo su přeprošeni na ekumeniski nyšpor sobotu, 15. septembra, w 15 hodź. do cyrkwe swjateho Józefa w Drježdźanach-Pieschenje, Rehefeldska 61. Po nyšporje z fararjom Michałom Andersom změje wón w Šoćic kofejowni přednošk wo svojich zajimawych slědženjach w starych klósterskich zapisach. Přizamkne so serbska bjesada. *Marjana Bubnarjec*

Wulět njebudže

Wulět dekanatneje serbskeje młodžiny, kotryž bě za njedźelu, 30. septembra, planowany, dyrbju z tutym bohužel wotprajić. Nimamy tuchwilu referenta respektiwnje referentku w młodžinskim dušepastyrstwe. Tohodla ani běrow dekanatneje młodžiny wobsadźeny njeje. Tež trěbne planowanja, zrěčenja a wotličenja njehodža so tuchwilu zwoprawdźić. Prašenja nastupajo nadregionalne młodžinske džělo prošu direktnje wosadnym duchownym abo biskopskemu dušepastyrstwu młodžiny w Drježdźanach dowěrić. *Farar Měrcin Deleńk*

Kubłanski dzeń za 1. a 2. lětnik

Šulerki a šulerjo 1. a 2. lětnika su sobotu, 22. septembra, wot 9 do 15 hodź. na zhromadny dzeń do Don Boskowneho domu we Worklecach přeprošeni. Zajimcy njech so prošu hač do wutory, 18. septembra, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóžděho wobdźělnika přinošk, kotryž wučinja tři eura.

Wustajeńca wo Žitawskich póstnych rubach w Hejnicach

Přichodna stacija pućowanskeje wustajeńcy po Europje k Žitawskim póstnym rubam je w českich Hejnicach. Wot soboty, 15. septembra, do njedźele, 4. nowembra, móža sej zajimcy pokazku pod temu „Zetkanja, kotrež hnuja“ w Mjezynarodnym centrumje za duchowne wobnowjenje wobhladać. Na 14 taflach su atraktiwne fota a teksty wo Žitawskich póstnych rubach a kulturnej čarje VIA SACRA widžeć. Kopija małego póstneho ruba pokaza so w tym času w putniskej cyrkwi Marije wopytanja hnydom pódla kubłanskeho centruma.

Premjera hry „Poslednja šansa“

Nowa serbskorěčna inscenacija Němsko-serbskeho ludowneho dźiwadla „Poslednja šansa“ změje sobotu, 22. septembra, w 19.30 hodź. swoju premjeru w Radworskim hosćencu „Meja“. Dalše předstajenje budže njedźelu, 23. septembra, w 17 hodź. w šulskej awli w Pančicach-Kukowje.